

漢禮器制度
漢官舊儀
漢舊儀

伏侯古今注附補遺
獨漢
斷儀



漢

儀

丁孚
孫衍
校集
撰

中
華
書
局

漢儀一卷

吳 太史令丁 孚撰

太僕六百石。續漢志補注。

內閣者。令秩千石。漢書宣帝紀注。

中宮藏府令秩千石。儀比御府令。續漢志補注。

給事中宮侍郎六人。比尚書郎。宦者爲之。給事黃門四人。比黃門侍郎。給事羽林郎一人。比羽林將虎賁

官騎下。續漢志補注。

太僕太中大夫襄言。乘輿綬黃地。冒白羽。青絳綠五采。四百首。長二丈三尺。詔所下王綬。冒亦五采。上下

無差。諸王綬。四采。絳地。冒白羽。青黃去綠。二百六十首。長二丈二尺。公主綬。如王侯。絳地。紺纁三采。百二

十首。長丈八尺。二千石綬。羽青地。桃華纁三采。百二十首。長丈八尺。黑綬。羽青地。絳二采。八十首。長一丈

七尺。黃綬一采。八十首。長丈七尺。以爲常式。民織綬不如式。沒入官。犯者爲不敬。二千石綬以上。禁民無

得織以粉組。皇太后詔可。王綬如所下。續漢志補注。通典職官。

拜諸侯王公儀。太常住蓋下。東向讀文。續漢志補注。通典禮。

夏勤策文曰。維元初六年三月甲子。制詔以大鴻臚勳爲司徒。曰。朕承天序。惟稽古建爾于位。爲漢輔。往率舊職。敬敷五教。五教在寬。左右朕躬。宣力四表。保乂皇家。於戲。實惟秉國之均。旁祗厥緒。時亮天工。可

不慎與勤而案通典引戒之。續漢志補注

酎金律文帝所加以正月旦作酒八月成名酎酒因合案通典引諸侯助祭貢金。續漢志補注

九真交趾日南者用犀角二長九寸若毒瑁甲一鬱林用象牙一長三尺以上若翠羽各二十準以當金。

後漢書章帝紀注

皇后出乘鸞輅青羽蓋駕駟馬龍旂九旒大將軍妻參乘太僕妻御前鸞旂車皮軒闕戟雒陽令奉引亦

千乘萬騎車府令設鹵簿駕公卿五營校尉司隸校尉河南尹妻皆乘其官車帶夫本官綬從其官屬導

從皇后置虎賁羽林騎戎頭黃門鼓吹五帝車女騎夾轂執法御史在前後亦有金鉞黃鉞五將導桑于

蠶宮手三盆于蘭館畢還宮。續漢志

永平七年陰太后崩安駕詔曰柩將發于殿羣臣百官陪位黃門鼓吹三通鳴鍾鼓天子舉哀女侍史官

三百人皆著素參以白素引棺挽歌下殿就車黃門宦者引以出宮省太后魂車鸞路青羽蓋駟馬龍旂

九旒前有方相鳳皇車大將軍妻參乘太僕妻御悉道公卿百官如天子郊鹵簿後和熹鄧后葬案以爲

儀自此皆降損于前事。續漢志

孝靈帝葬馬貴人贈步搖赤綬葬。案初學記引作赤青羽蓋駟馬柩下殿女侍史一百人著素衣挽歌引木

下就車黃門宦者引出宮門。續漢志補注

桓帝祠恭懷皇后祝文曰孝曾孫皇帝使有司臣太常撫鳳輿夜處小心畏忌不墮其身一不寧敢用

絜牲一元大武。柔毛剛鬣。商祭明視。薌其嘉薦。普淖醢醢。豐本明粢。醪用薦酎。事於恭懷皇后。尚饗。綴
辭。賜皇帝福。恭懷皇后命。工祝承致多福。無疆于爾。孝孫曾孫。皇帝使爾受祿于天。宜稼于田。眉壽萬年。
介爾景福。俾守爾民。勿替引之。太常再拜。太牢左辨。以致皇帝。續漢志補注。